

Headline	PR tak serius banteras pusat judi		
MediaTitle	Sinar Harian		
Date	06 Oct 2012	Color	Full Color
Section	Nasional	Circulation	60,000
Page No	19	Readership	180,000
Language	Malay	ArticleSize	123 cm ²
Journalist	N/A	AdValue	RM 677
Frequency	Daily	PR Value	RM 2,031



PR tak serius banteras pusat judi

SHAH ALAM – Pertubuhan Pribumi Perkasa Malaysia (Perkasa) Selangor mendakwa Kerajaan Negeri tidak serius dalam membanteras judi siber dan pelacuran tanpa lesen yang berlaku di negeri ini.

Yang Dipertuanya, Abu Bakar Yahya dalam satu kenyataan berkata, kerajaan Pakatan Rakyat seolah-olah lebih mementingkan masalah kain rentang daripada kesungguhan mengatasi gejala yang meruntuhkan akhlak khususnya melibatkan golongan muda.

“Di Selangor, kain rentang tanpa lesen akan didenda RM1,000 selain boleh dikenakan tindakan mahkamah dan kegiatan membanterasnya dilaksanakan secara besar-besaran.

“ Di Selangor, kain rentang tanpa lesen akan didenda RM1,000 selain boleh dikenakan tindakan mahkamah dan kegiatan membanterasnya dilaksanakan secara besar-besaran.”

Abu Bakar



“PR sepatutnya tidak hanya memberi tumpuan kepada sesuatu masalah sahaja sebaliknya perlu ambil peduli dengan kewujudan perniagaan rumah urut yang semakin banyak dan menyumbang kepada kegiatan pelacuran,” katanya.

Beliau berkata, Kerajaan Negeri perlu lebih serius mengatasi masalah gejala moral bagi mengelakkan berlakunya kerosakan akhlak yang boleh memburukkan hubungan kekeluargaan selain masyarakat terdedah kepada risiko penyakit HIV dan Aids.